

Kgweedi ya 2020 ya Go Dirisa Motlakase ka Tshireletsego Dipotso le Dikarabo

Potso	Karabo
<p>Kgweedi ya Bosetšhaba ya 2020 ya go Dirisa Motlakase ka Tshireletsego e raya go reng? Eskom e ikaeletse go fitlhelela eng ka yone?</p>	<p>Kgweedi ya Go Dirisa Motlakase ka Tshireletsego ke kgweedi e re e dirisetsang letsholo la go ruta batho go dirisa motlakase ka tshireletsego. Fa go ne go ya ka rona, kgweedi nngwe le nngwe e ne e tla nna kgweedi ya go dirisa motlakase ka tshireletsego! Mme ka go dirisetsa malatsi a le 31 gangwe ka ngwaga go dira seno, re tlhomolola kgang ya go dirisa motlakase ka tshireletsego gore e re thuse go fitlhelela boikaelelo jwa rona jwa go tlhomamisa gore go se gobale ope wa maloko a setšhaba, badiri le dikonteraka.</p> <p>Boammaaruri ke gore re tswa matsholo a tiriso ya motlakase ka tshireletsego ngwaga otlhe mo nageng yotlhe, re dirisa mekgwa e e farologaneng ya tlhaeletsano, e boikaelelo jwa yone e leng go ruta maloko a setšhaba ka ga tsela e e sireletsegileng ya go dirisa motlakase le ka dikotsi tsa dikgokelo tsa motlakase ka bogodu. Re batla gore Maaforikaborwa a tlhaloganye gore seno se ka felela ka kgobalo kgotsa ka loso la mongwe yo ba mo ratang – le gore ke selo se se ka kgonang go tilwa.</p>
<p>Ke eng fa go le botlhokwa gore maloko a setšhaba a nne kelotlhoko le go tlhokomela gore ba dirisa motlakase jang?</p>	<p>Ka gonne go dira jalo ke go amega ka Maaforikaborwa otlhe. Go nna kelotlhoko ka motlakase go ka boloka matshelo le ditiro tsa botshediso – akanya ka batho ba o ba ratang, baagelani le maloko a baagi ka kakaretso.</p> <p>Ga go ope yo o tshwanetseng go tseela maatla a motlakase kwa tlase, le gore a ka dira eng fa motho a sa ikele tlhoko mo go one. Re batla go lemotsha baagi botlhe molaetsa ono wa tshireletsego ka go ba naya tshedimosetso ya ka fa ba ka lemogang dikotsi tsa motlakase ka gone, go itse gore ba dire eng le gore ba se ka ba dira eng fa ba lebane le dikgokelo tse di kotsi tsa motlakase le go itse se se ka diregang mo maemong ano.</p>
<p>Go gokela motlakase ka bogodu ke eng?</p>	<p>Ke motlakase o o goketsweng fa netewekeng ya motlakase gore go se ka ga duelwa motlakase, ke gore, go amogelwa motlakase mo netewekeng go sa tsenngwa mmetara wa one le kwantle ga tetla ya mong wa neteweke e leng Eskom kgotsa mmasepala. Seno ke tlolomolao ka gonne motlakase o goketswe go sa tsenelwa konteraka ya tirelo le Eskom kgotsa le mmasepala e bile motlakase oo ga o duelwe – selo</p>

	seo ke bogodu
A dikgokelo tsa motlakase ka bogodu di a oketsega?	Ka maswabi, ee di a oketsega, bogodu jwa motlakase, go akaretsa le dikgokelo tsa motlakase ka bogodu, go tshwenyana le mmetara le go o dirisa go sa tsennwa mmetara wa one, le go reka dibautšhara tsa prepaid le go di rekisa ntle le molao e santse e le matshwenyego a a masisi thata a re nang le one mo Aforika Borwa, mme seno se jela ikonomi mo e ka nnang R20 bilione ngwaga le ngwaga .
Ke mafelo afe a bothata jono bo leng bogolo thata kwa go one?	Diporofense tse re lathegelwang ke motlakase o montsi kwa go tsone, re di kwadile fano e seng ka tatelano ya tsone, ke Kapa Botlhaba, Mpumalanga, Limpopo, Bokone Bophirima, Gauteng le KwaZulu-Natal.
Ke dikotsi dife tse dikgolo tse di amanang le dikgokelo tsa motlakase ka bogodu?	Batho ba a swa. Ngwaga o o fetileng ka 2019/20 go sule batho ba le 131 ka ntlha ya go kgoma motlakase - ba le 38 ba bone e ne e le bana. Gape dikgokelo tsa motlakase ka bogodu di imetsa neteweke ka motlakase o e sa kgoneng go o tshola. Seno se baka go wa ga neteweke, go bo go nna le dikgaogo tsa motlakase tse di sa rulaganyediwang tse di amang dikolo, ditliliniki le dipone tsa pharakano. Se ama naga ya rona le ikonomi ka tsela e e sa siamang.
Go dirilwe eng go rarabolola bothata jono?	<p>Eskom e tlathlhaba mafelo ka metlha, e tswa matsholotemoso a a jaaka a go tshwara dikokoano le dikhasetomara, e etela dikolo, e tswa matsholo e dirisa metswedi ya dikgang, e buisana le baeteledipele ba setšhaba le go tshwara dikokoano le maloko a setšhaba mo mafelong a go nang le dikgokelo tsa motlakase ka bogodu tse dintsi mo go one. Re tlosa dikgokelo tseno tsa motlakase wa bogodu ka metlha mme ka bonako fela fa bategeniki ba fetsa go dira jalo mo lefelong leo, ba o gokela gape.</p> <p>Eskom ga e kitla e tlhola e emisetsa didirisiwa tsa motlakase tse di robegileng kgotsa tse di imeditsweng ka motlakase fa batho ba lefelo la tsone ba sa duele motlakase, fa ba na le dikgokelo tsa motlakase ka bogodu kgotsa fa ba tshwenya-tshwenyana le dimmetara.</p> <p>Go dira jalo ga rona go ile ga atlega mo Gauteng, mme ditlhophha tsa Eskom di dira seno thata segolobogolo mo mafelong a a duelang motlakase go le gonnye fela mme a na le dikgokelo tse dintsi thata tsa motlakase wa bogodu. Mme gape re tsenya dimetara tsa prepaid re bo re ntsha tsa bogologolo gore tsenye tsa prepaid. Gape setlhophha sa Gauteng</p>

	<p>se ela tlhoko gore go dirisiwa motlakase o montsi go le go kana kang gore se kgone go lemoga dikhasetomara tse di rekang motlakase o monnye kgotsa tse di sa o rekeng gotlhelele. Go tla dirwa patlisiso ka dikhasetomara tseo mme di tla tseelwa kgato.</p> <p>Gape Eskom e dirisana le bana-le-seabe ba ba farologaneng le go dira matsholo-temoso le bone (Bakhanselara, Dikolo, SAPS, Mafapha a Ditimamolelo le Baeteledipele ba Baagi) gore botlhe ba nne le tsela e le nngwe ya go rarabolola bothata jono. Eskom e tla tswela pele go leba dikgokelo tsa motlakase ka bogodu e le bokebekwa jo bo masisi jo bo tsenyang matshelo mo kotsing.</p>
<p>Go bonwa ka eng gore lelapa lengwe le goketse motlakase ka bogodu le gore o kotsi kgotsa gore go na le kotsi e e ka tlhagang mo ntlong nngwe ka ntlha ya motlakase?</p>	<p>Gantsi go motlhofo go bona fa motlakase o goketswe ka bogodu. Go batliwa dilo tseno tse di latelang:</p> <ul style="list-style-type: none"> • Megala e e gokeletsweng mo ditlhareng • Dipale tsa motlakase tse go leng motlhofo go di palama • Megala ya motlakase e e fetang ka fa tlase ga ditlhare • Megala ya motlakase e e kgomang difense kgotsa e e gogobang mo godimo ga marulelo • Megala ya motlakase e e gogobang fa fatshe kgotsa mo ditselaneng tsa dinao • Megala ya motlakase e e tshwaragantsweng ka theipi kgotsa e bofagantswe ka polasetiki • Go tla bonala dikheibole di le dintsi mo motsweding wa motlakase, lefelo leo le tla lebega le tlhakatlhakane thata kgotsa e kete ke bobbi jwa segokgo. • Eskom ga e kitla e tsenya teransefoma mo jarateng ya ga ope
<p>Eskom e lemoga/baya leitlho jang dikgokelo tseno tsa motlakase wa bogodu?</p>	<p>Re lemoga dikgokelo tsa motlakase ka bogodu ka go tsibogela dingongorego tsa go gokelwa ga motlakase ka bogodu, le ka go tlhatlhoba dimetara go tlhomamisa gore batho ba duelela motlakase o ba o dirisang. Gape re na le dipego tse di kgethegileng tse di kgonang go tlaola dikhasetomara tse di sa rekang motlakase lobaka lo lo rileng lwa nako, morago ga moo re latedisa kgang eno go bona gore a ba dirisa motlakase ka bogodu. Sa bofelo, gape re tsena mo lefelong leo lotlhe go batlana le dikgokelo tsa motlakase ka bogodu re bo re di senya. Go ka nna kotsi go dira jalo ka gonne ka dinako tse dingwe baagi ba a re lwantsha.</p>
<p>A o ka mpolelela dikotsi tse di bakwang ke go gokela motlakase ka tsela eno? Mo</p>	<p>Dikotsi tsa dikgokelo tsa motlakase ka bogodu ke:</p> <ul style="list-style-type: none"> • Megala e e dirisitsweng ga e gokelelwe mo yuniting ya earth leakage e e tlleng go "wa"

<p>bathong ba ba o gokelang le mo bathong ba ba nnang mo lefelong leo?</p>	<p>kgotsa go kgaola motlakase fa mongwe a ka kgoma mogala o o tsamaisang motlakase</p> <ul style="list-style-type: none"> • Insuleithara e megala e e tsamaisang motlakase e apesitsweng ka yone ga e ntsi ka mo go lekaneng go ka sireletsa motho yo o kgomang megala gore a se ka a tlabolwa ke motlakase. Fa o kopanya bothata jono le kgang ya gore ga go na earth leakage, seno e nna boemo jo bo kotsi fela thata. Batho ba le bantsi ba tlabolwa ke motlakase kgotsa o ba bolaya ka tsela eno ngwaga le ngwaga • Megala e e bulegileng gantsi e kgoma dilo tsa mmetale mo teng ga ntlo (jaaka diterata, diphaephe tse metsi a fologang ka tsone, dilo tsa mmetale) mo go rayang gore dilo dingwe tse dikgolo di tsamaisa motlakase – e bile ga di na tshireletso ya earth leakage – mme ka ntlha ya moo go feleletsa go tlhaga kotsi e e masisi fa maloko a setšhaba a kgoma dilo tseo tse di tsamaisang maatla a motlakase. • Se se utlwisang botlhoko le go feta ke gore gantsi batho (le e leng bana le masea) ba ba sa amiweng ka gope ke dikgokelo tseno tsa motlakase ka bogodu ke bone ba ba gobalang kgotsa ba ba swang. <p>Gape go botlhokwa go tlhologanya gore “kgobalo e e masisi” e raya gore motho a ka nna a sha botlhoko thata kgotsa a latlhegelwa ke lebogo kgotsa leoto, le e leng leoto lotlhe fela.</p>
<p>Go ka tsewa dikgato dife tsa go ikela tlhoko?</p>	<p>Go na le dikgato di le mmalwa tsa go ikela tlhoko:</p> <ul style="list-style-type: none"> - Bega dikgokelo dipe tsa motlakase ka bogodu kwa Nommorong ya Mogala wa Ditshenyegelo Tse di Tlhakanelwang (086 00 ESKOM kgotsa 086 00 37566) mme o bege gore ke kwa lefelong lefe. - Tlhagisa batho ka go gokela motlakase ka bogodu mme o kope botlhe gore ba se ka ba atamela megala ya motlakase, ba se ka ba kgoma sepe se se gaufi le megala eo. • Tlhomamisa gore o dirisa boramotlakase ba ba ithutetseng go dira ka megala ya motlakase le ka didirisiwa tsa motlakase mo ga gago. Ke badiri ba Eskom fela kgotsa dikonteraka tsa Eskom fela tse di ka dirang tiro mo netewekeng ya Eskom le mo didirisiweng tsa Eskom.
<p>A badiri ba Eskom ba a tshwenngwa le go tlhaselwa fa ba tsena mo mafelong a baagi?</p>	<p>Re feditse dingwaga di le mmalwa re kwala pego ka ga go lwantshiwa ga badiri ba Eskom fa ba tsena mo mafelong a baagi. Le fa go ntse jalo, re ile ra tshwenyega thata mo dikgweding di le mmalwa tse di</p>

fetileng ka gonne ba ne ba lwantshiwa ka tirisodikgoka - jaaka re bone kwa Kapa Bophirima bošeng jaana.

Baagi ba bona go tlhokega gore ba sireletse dikgokelo tseno tse di dirilweng ka bogodu mme fa ba bona dikoloi tsa Eskom di tsena mo mafelong a bone, ba tlhasela badiri ba rona re bo re kopa ba ditirelo tsa tshireletso go tla go re thusa. Re a tlhaloganya gore go gokaganyolola motlakase o o goketsweng ka bogodu go ka nna ga lebega e le bosetlhogo mme boammaaruri ke gore go a tlhokega gore re dire jalo. Go a tlhokega gore bana le ba bangwe ba sireletsege, le gore re sireletse diteransefoma le diteishene-potlana tse go ka diregang gore di thunye mme motlakase o bo o tima lobaka lo lo leele.

Ga re ka ke ra kgona go dira tiro ya rona fa badiri ba rona ba lwantshiwa e bile go lwantshiwa ga bone go ja madi a mantsi thata ka gonne re tshwanelwa ke go batla tshireletsego e e oketsegileng.

Kwa bofelong, rotlhe re batla selo se le sengwe – Aforika Borwa e e berekelang batho botlhe ba yone. Ga re ka ke ra tlhola re nnetse go thulana. Re kopa maloko a baagi gore a re thuse go thibela kgalefo le tirisodikgoka mo badiring ba Eskom. Re kopa gore bogolo lo re thuse ka go nna karolo ya tharabololo e e thusang botlhe. Le rona re na le malapa a a re letetseng kwa gae morago ga letsatsi lotlhe re le kwa tironng fela jaaka ba bangwe botlhe.